



925001-

- 925102

Mag. St. Dr.

III

*Copia Responsoriarum S. R. M. Poloniae
Ad Serenissimum Electorem Brandeburgicum.*

Augustus II. Dei Gratiâ Rex
Poloniae, Magnus Dux Lithuaniae,
Russiae, Prussiae, Masoviae, Samogitiae, Kijoviae,
Volhinae, Podoliae, Podlachiae, Livoniae, Smo-
lensciae, Severiae, Czerniechoviaeq; nec non Hæ-
reditarius Saxoniae, Juliae, Cliviae, Montium,
Angriae & Westphaliae Dux. S. R. I. Archima-
reschallus & Elector, Landgravius Thuringiae,
Marchio Misniae, nec non Superioris ac Inferio-
ris Lusaciae, Burgravius Magdeburgensis, Co-
mes Princeps Hennebergensis, Comes Marcæ,
Ravensbergæ & Bartij, Dominus in Ravenstein.
Serenissimo Principi Domino Friderico Tertio
Marchioni Brandeburgensi S. R. I. Archicame-
rario & Electori in Prussia Magdeburgi Stetini,
Pomeraniae, Cassubiorum, Vandalorumq; nec
non in Silesia Crosnæ, Duci, Burgravio No-
rimbergensi, Principi Halberstadij, Mindæ &
Camini, Comiti de Hohen, Zolleren Domino
in Lavenburg & Bittaw, Fratri & Cognato No-
stro Charissimo, salutem & continuum felicitatis
incrementum.

Serenissime Frater, & Cognate Charissime.

Biteræ Serenitatis Vestræ die 17. elapsi,
multò magis nunquam sperata Civitatis nostræ
Regiæ Elbingensis aggressio, merebantur, an-
tequam responderemus, Senatus-Consultum. quo illicò
huc convocato, atque intra hosce dies expedito, quid
aliud

925038

III

aliud respondere possumus, quam quod Vniuersi stupeant, Serenitatem Vestram rem attentasse, etiam Posteritati non credendam. Fateri & ipsam quadraginta & ultra annorum exsuscitasse emortuam, imò tot tantisque Reipublicæ prætensionibus sepultam Hypothecam, tam crudis, prius ex insidijs, mox apertis armis, ut quasi nunquam æternum, pro remisso Vasallagio concessum, cum Republica habuisset Fædus; hostium loco suorum hostes Reipublicæ reputatura, ipsa infestas Copias innocuæ Vrbi admovit, eandemq; vi in suam ditionem coëgit. Ius hoc, quod Serenitas Vestra scripto suo typis vulgato solenne vult facere, utiq; melius notum fuisse gloriosæ Memorix Magno Parenti Suo, tanquam primo Quæsitore, & tamen nunquam ausum quidquam simile præsentis Casui, imò maluisse illum Brunsbergam & Fravenburgum loco non traditæ Elbingæ, ut prætenderat ex Pactis Velaviensibus, possessas evacuare ac restituere in manus Reipublicæ, quam primo illi actui (qui procul dubio magnis suberat Protestantium in Republica difficultatibus) tradendæ sibi Supremiatis in Prussiam derogare. Fuisse posthac toties ab eodem & Serenitate Vestra super memoratis Pactis repetita Iuramenta, & quidem ægrè ex parte Reipublicæ, nolente Michaële, recusante ultimariè per aliquot dies Ioanne Tertio Serenissimis Divæ Memorix Prædecessoribus Nostris, ob validas atq; gravissimas Reipublicæ prætensiones; & cur non eo potius tempore suspensis Iuramentis opponenda erat ista prætensio? cur non saltem aliqua ante immediatum nuper nobiscum super iisdem iuramentum, injecta mentio? præsertim cum Ministri à nobis designati distinctè satis ad prætensiones quasdam, in scripto desiderarunt responsum, nec obtinuerunt à Ministris Serenitatis Vestræ. Nunc quis crederet, dum Respublica cum hoste Christianorum communi, cruento implicita ac distenta bello, turbari illam ac vexari à tali Principe, qui bona malaq; ejus pro suis proprijs habere æterno Fædere ac Iure jurando obligatus erat? Deniq; si omnes circumstantiæ acerbissimæ,

rei gestæ anteriores revocandæ forent, factum hoc nemi-
ni placitum iri, nisi hostibus, cum quibus bellum atrox
& tam longum gerimus; hanc enim turbatam ac viola-
tam Republicæ à Fæderato Principe securitatem, illis so-
lis gaudio futuram, qui Nos undiq; & Patriam angustia-
tam cuperent. Hæc non alio fine Serenitati Vestræ o-
mni fiducia insinuanda censuimus, quàm ut intelligere
velit, ipsam excessisse metas debiti sui erga Remp̃ublicam
hanc, cujus summa semper in Domum ejus Vniverso te-
ste Orbe existere beneficia; imegisse contra perpetui
Fæderis Pacta, Iureq; suo ex ijs cecidisse; talemq; ausum
non modò ad intima usq; Patriæ hujus penetrasse, sed No-
strum quoq; honorem ad prima Regni auspicia sine omni
præmissa amicabili requisitione extremè pupugisse, adeo-
que cunctos desiderare, ut casum istum summopere Rei-
publicæ ac præprimis Nobis gravem Serenitas Vestra
quantociùs redintegrandum, immediatumq; statum Ci-
vitati restituendum curet & annitatur; vel si id minimè
libuerit, saltem nullius offensæ ac hostilitatis loco sit ac-
ceptura, si justa tantæ læsioni reparatio quæri ac mini-
strari omnino non intermittatur. De reliquo Serenitati
Vestræ bonam valetudinem intra prosperos Fæderum,
amicitiarumq; successus precamur. Dabantur in Regia
Varfaviæ die XVII. Mensis Novembris Anno Domini
M. DC. XCVIII. Regni verò Nostri II.

Rel
N
mu
ku
wey
nap
prz
z ni
szy
Sen
wie
z bi
tká
Kro
pos
Sen
plan
re g
Zak
Wi
włk
fze
PP.
dem
oso
Kro
Sen
Wo
ták
mit
cho
mie
Wa
nák
ner
z B
ko
Ben
Po
wfo
od
lán
Pto
pel
lew

